



Broj: 389/18
Sarajevo, 20.08.2018. godine

Članovima Sindikata radnika u zdravstvu u Kantonu Sarajevo

PREDMET: Obavjest,dostavlja se

Poštovani članovi Sindikata radnika u zdravstvu u Kantonu Sarajevo,

Obavještavamo Vas da je na Prvoj Vanrednoj Skupštini Sindikata radnika u zdravstvu u Kantonu Sarajevo (u daljem tekstu: Skupština) održanoj 17.08.2018. godine doneseno niz odluka među kojima su i Odluka o organizovanju i održavanju generalnog štrajka i Odluka o izmjenama i dopunama Statuta Sindikata radnika u zdravstvu u Kantonu Sarajevo.

Dakle, zbog nepotpisivanja izmjena i dopuna Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, Skupština je donijela Odluku o organizovanju i održavanju generalnog štrajka, s tim da će datum početka generalnog štrajka u svim osnovnim sindikalnim organizacijama Sindikata radnika u zdravstvu u Kantonu Sarajevo, a imajući u vidu zakonsku proceduru organizovanja štrajka, utvrditi Glavni odbor Sindikata na sjednici koja će biti održana do kraja tekućeg mjeseca. Zahtjevi generalnog štrajka su:

1. koeficijent složenosti poslova svim radnicima u oblasti zdravstva, izuzev doktora medicine i stomatologije, tj. plaće „nedoktora“ povećati linearno za 0,30
2. da se nakon navršenih 10 godina radnog staža, „nedoktorima“ poveća koeficijent složenosti poslova za 0,10
3. da se kod zanimanja VIII/2 briše tačka i dodaju riječi: „na odgovornom radnom mjestu i u skladu sa pravilnikom o radu, plaćama i sistematizaciji radnih mesta javno zdravstvene ustanove“
4. tražiti ostavke, odnosno smjenu Zolj Adema sa funkcije premijera Kantona Sarajevo, smjenu Ademaj Zilhe sa funkcije Ministricе zdravstva Kantona Sarajevo i smjenu Turković Samira sa pozicije generalnog direktora Zavoda zdravstvenog osiguranja Kantona Sarajevo.

Pored navedene odluke, Skupština je donijela i Odluku o izmjenama i dopunama Statuta Sindikata. Radi se o sljedećim izmjenama, odredbe u kojima su navedeni nazivi osnovnih sindikalnih organizacija Sindikata su izmjenjeni na način da su prilagođeni stvarnom stanju, tj. brisan je naziv sindikalne organizacije UKCS koja više nije dio Sindikata, a dodani su nazivi novih osnovnih sindikalnih organizacija koje su u sastavu Sindikata, i to JU Stomatološki fakultet sa klinikama Sarajevo i JU Zavod za sportsku medicinu Kantona Sarajevo. Zatim, izmjenjena je odredba koja je bila u vezi stranačke neopredjeljenosti iz razloga što je u suprotnosti sa pozitivnim propisima, od državnog, federalnog i kantonalnog Ustava, preko brojnih zakona kojima je zabranjena diskriminacija, a protivrječna je i ostalim odredbama Statuta Sindikata. Na kraju, izmjenjena je i odredba u vezi raspodjele sindikalne članarine, te potvrđene odluke Glavnog odbora Sindikata da se Savezu samostalnih sindikata BiH i Nezavisnom strukovnom sindikatu radnika

zaposlenih u zdravstvu u FBiH odgodi uplata sindikalne članarine iz razloga nepoduzimanja nikakvih aktivnosti na zaštiti i poboljšanju ekonomsko – socijalnog položaja članova našeg Sindikata.

Zbog dopisa premijera Kantona Sarajevo dostavljenog 16.08.2018. godine, dan prije održavanja Skupštine, a kojim se Vlada Kantona Sarajevo, unatoč izričitoj zakonskoj zabrani umiješala u funkcionisanje i upravljanje Sindikatom, Skupština je donijela Odluku da se protiv Vlade Kantona Sarajevo, kao zastupnika poslodavaca, pokrene sudski postupak zbog miješanja u rad Sindikata.

Na kraju Vas obavještavamo da će o svim aktivnostima u vezi organizovanja i provođenja generalnog štrajka biti blagovremeno obaviješteni putem predsjednika osnovnih sindikalnih organizacija i web stranice Sindikata.



Dostavljeno:

1. www.sindikatzdravstvaks.ba
2. a/a